



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Sardicensi concilio. Cap. VII.

urn:nbn:de:hbz:466:1-12704

THEODORITI HISTOR.

Qua de causa hic ab Arianis segregatus, propria cuiusdam ac separatae sectae author & patronus factus est: quippe filium patri consubstantialem dicere noluit. Sed docuit eum genitori in omnibus similem esse, & spiritum sanctum creatum aperte asseruit. Atque has quidem res non longo tempore post, ita ut diximus, gestas esse constat.

De Sardicensi concilio. CAP. VII.

DVcenti & quinquaginta episcopi, Sicut est à veteribus memoriae proditum, Sardicæ in unum convenere: quo etiam accessit magnus ille Athanasius, Asclepas episcopus Gaze, cuius supra facta est mentio, & Marcellus Ancyrae, quæ est urbs Galatiæ primaria, qui tempore magni concilij Nicæni episcopus fuerat. Aduentarunt illo præterea horum accusatores, & præfecti phalangis hæreticorum, qui dudum de Athanasio iudicium exercuerant. Verum quoniam concilij constantiam, & sanam de decretis diuinis Sententiã exploratè cognitam habebant, cum essent vocati, minimè ingredi voluerunt: Sed accusatores unã cum iniquis Athanasij iudicibus se inde subduxerunt. Quam rem commodius docebit concilij epistola: eamque quo eorum facta evidentius appareant, in historia intexere constitui.

Literæ Synodicae ab Episcopis qui illic conuenerant ad vniuersos orbis Episcopos conscriptæ.

CAPVT VIII.

Sanctum Concilium ab episcopis Romæ, Hispaniæ, Galliæ, Italiæ, Campaniæ, Calabria, Aphrica, Sardinia, Pannonia, Mysia, Dacia, Dardania, & Dacia inferioris, Macedonia, Thessalia, Achaia, Epiri, Thracia, Rhodopæ, Asia, Caria, Bithynia, Hellespoti, Phrygia, Pisidia, Cappadocia, Ponti, Phrygia minoris, Cilicia, Pamphylia, Lydia, insularum Cycladum, Aegypti, Thebaidis, Libya, Galatiæ, Palæstina, Arabia, per Dei gratiam Sardicæ celebratum, omnibus vbique episcopis, & ministris catholicae & apostolicae ecclesiæ, dilectis fratribus in domino S.

Etfi